

靈寶領教濟度金書卷

二百四十六之
二百四十八

育七

靈寶領教濟度金書卷之二百四十六

二百四十四

七十二百四十八同卷

育七

洞微高士開光救苦真人竊金真授

靈寶通玄弘教水南先生林靈真編

科儀立成品祈晴齋合用

早朝行道儀

燒香頌

各禮師存念如法

宜衛靈呪

青陽虛映 曜日回靈 神虎辟邪 飛天流鈴

摧奸滅試 萬魔束形 九微回道 八威攝精
千真校錄 三元蕩清 左肅中黃 右策六丁
七轉八合 周旋天經 聖化巍巍 三道順行
慶雲流布 合景黃庭和與道合真

鳴法鼓二十四通

育七

无上三天玄元始三炁太上道君召出臣身
中三五功曹左右官使者侍香金童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上關啓臣今奉為入齋意以

今清旦陞壇行道願得玉清道炁靈寶妙光
下降流入臣等身中令臣所啓速達逕御
太上无極大道至真玉皇上帝御前

謹稱法位

具位臣某與臨壇官衆等謹同誠上啓

虛無自然元始天尊无極大道太上道君太
上老君高上玉皇上帝高上神霄玉清真王
長生大帝高上神霄玉清真王青華大帝九
天應元雷聲普化天尊九天雷祖上帝上清
紫微碧玉宮太乙大天帝六天洞淵大帝六

波天主帝君可韓司丈人天尊九天採訪使
天尊雷霆九司諸天省府東華西靈執職真
衆洞天福地四海四瀆溪澗潭洞主宰龍神
社稷山川城隍里域三界官屬一切真靈臣
聞先天先地虛无疑一炁之宗分陰分陽妙
育七
有散萬靈之象胤百昌而化育訶九野以裁
成雨露無私共稟清微之政今雷霆有赫普
承紫極之靈光蕩蕩難名巍巍不宰凡囿範
圍之內悉歸陶冶之中臣等弱質迂踈庸材
鄙陋因循日籥曲承師匠之甄收領受風斤

敢代天工之參贊功莫圓於圭黍過已積於
淵陵宏道宣仁期秉骨青之誓學真領教爰
堅金石之盟齋官青詞謹當宣奏

宣詞

按如詞旨極備忱恂臣聞百穀用成亶藉雨

暘之時若三農胥慶夙資水旱之得宜儻天
時偏陰而偏陽則地利或豐而或歉況茲田
畝散在郊原多旱濕而莫耕每沮洳而難種
乃從春仲馴至夏中淫雨濛濛市江河而自
溢積陰黯黯雖溝澮以皆盈屋角之鳴鳩常

聞簷間之商羊自舞匪由祈祝曷保晴明爰
遵玉笈之儀丕闡瓊網之範壇崇九陛門列
八維鯨鐘傳振玉之聲幡花璀璨虬磬藹鳴
金之韻旌葆翩翩奠龍壁於五靈羅鳳繒於
列鎮玄芝耀座輅清都浩劫之尊綵仗飛空
青七
降紫府太無之聖殫誠九拜摠敬三時為齋
三
主某期昭晰於日光十華煥景俾停止於雨
勢八海歸源庶無淫潦之憂獲滿登成之願
以今清旦行道請法衆等運茲初捻上香
願此香煙騰空逕上供養

无上至真道寶_臣等皈身皈神皈命首體投
地願以是功德上祝

皇帝陛下伏願治契勲華功參履發福等滄
瀛之大遠接河源壽同嵩岱之高遙齊崑頂
文治誕敷於四極武功統御於九圍就日歸
仁乘梯航而拱極觀風慕義同文軌以朝元
今故燒香自皈依

師尊大聖眾至真之德得道之後保天長存
和與道合真

以今清旦行道請法眾等運茲二捻上香

願此香煙騰空逕上供養

无上至真經寶臣等皈身皈神皈命首體投

地願以是功德皈流四岳九牧萬姓三軍伏
願寅亮槐庭論思薇省入登公輔服圭衮袞
以趨朝出領雄藩檐帷去去而行部八表舒

遲於化日九圍丕冒於仁風密密黃雲畎畝
晝聞於耒耜濛濛綠霧郊垌曉動於耨鋤
今故燒香自皈依

師尊大聖眾至真之德得道之後升入無形
和與道合真

以今清旦行道請法衆等運茲三捻上香

願此香煙騰空逕上供養

无上至真師寶臣等皈身皈神皈命首體投

地願以是功德歸流親民陽掾佐政陰僚伏

願體道同仁憲天博愛崇陰蔽蒂釀成襦袴

育七

四

之謠花意繁鮮益茂絃誦之俗贊生生而默

佐資化化以潛扶職宰山川調五雨十風之應

權司境域表八蠶九稼之隆今故燒香自皈

依

師尊大聖衆至真之德得道之後長享自然

和與道合真

禮方

懺方

步虛

旋行躡雲網

乘虛步玄紀

吟詠帝一尊

百關自調理

俯命八海童

仰携高仙子

諸天散香花

蕭然靈風起

宿願定命根

故致標高擬

歡樂太上前

萬劫猶未始

又

嵯峨玄都山

十方宗皇一

岌岌天寶臺

光明焰流日

煒煒玉林華

膺燦耀示寶

常念養元精

煉液固形質

金光散紫微

窈窕大乘逸

又

俯仰存太上

華景秀丹田

左顧提鬱儀

右盼携結璘

六度冠梵行

道德隨日新

宿命積福應

聞經若至親

天挺超世才

樂誦希夷篇

沖虛太和氣

吐納流霞精

胎息靜百關

寥寥究三便

泥丸洞明景

遂成金華仙

魔王敬受事

故能朝諸天

皆從齋戒起

累功結良緣

飛行凌太虛

育七

五

提携高上人

三啓頌

樂法以為妻

愛經如珠玉

持戒制六情

念道這所欲

澹泊正氣停

蕭然神靜默

天魔並敬護

世世受大福

又

鬱鬱家國盛

濟濟經道興

天人同其願

縹緲入大乘

因心立福田

靡靡法輪升

七祖生天堂

我身白日騰

又

大道洞玄虛

有念無不契

煉質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等至心稽首禮

太上元極大道

臣等至心稽首禮

三十六部尊經

臣等至心稽首禮

玄中大法師

重稱法位

具位臣某與臨壇官衆等謹同誠上啓

虛無自然元始天尊无極大道太上道君太
上老君昊天玉皇上帝高上神霄玉清真王
長生大帝高上神霄玉清真王青華大帝九

育七

六

天應元雷聲普化天尊九天雷祖上帝上清
紫微碧玉宮太乙大帝六天洞淵大帝六
波天主帝君可韓司丈人天尊九天採訪使
天尊雷霆九司諸天省府東華西靈執職真
衆洞天福地四海四瀆溪澗潭洞主宰龍神

社稷山川城隍里域三界官屬一切真靈臣
闡日月星辰司陰陽之聖籥風雨雷電握天
地之神樞際炎旱則曦晰運朝遇水潦則昏
濛竟日惟靜能應有感斯通今齋主某憫此
陰災莫逢陽景沉霾逾月庭簷多雪雲之聲
積翳彌旬屋溜極霧霑之勢田疇盡漲畎塍
俱漫慘爾耕農惟呼天而引涕悲哉饑婦每
扣地以顰眉旣春耕無入土之期則秋斂乏
登塲之積村村狼狽處處流離深慮蠢蠢蒼
生林林赤子有生之後浩劫以來捨心田而

不芸恣情瀾之莫障唾星指月怨暑咨寒呵
風雨而怒雷霆詈虹霓而踐霜露鑿斷地脉
壅塞泉源致上逆於天文而下違於地理名
書黑簿字錄天曹俾司土之正神暨職方之
守吏移文地府傳檄天廷遂罹水潦之災莫
受豐成之喜儻不皈依於紫極何由安樂於
黃坡是以陞壇建齋為懺除於徃咎燒香行
道普迎輅於新釐伏冀列聖垂恩千真錫祉
指麾屏翳收雨陣於玄虛肅命飛廉捲風旗
於碧落頃刻而赤雲遍野須臾而紅日行天

庶得播種盈疇秀實滿塍是刈是穫坐看高
廩之烏邪以期以春行見積倉之白粲悉繇
帝渥成此歲功敢徼惠下之私恪副由中之
禱上願乾坤清謐經緯調平草木輝華山川
寧晏野絕弓旌之召時號太和朝多珪璋之
英俗臻泰定靜綠林於方域鞠青草於園扉
鳳有朝鳴四塞息控弦之影犬無夜吠八荒
多負耒之徒化洽禽魚仁沾動植則上明
天尊大慈之化下副臣等皈命之誠謹啓以

聞

奏

發願

一念爲道四大合德齋主七世父母免脫憂
苦上升天堂衣食自然

二念帝王國主道化興隆庠序濟濟皇教恢
弘威儀翼翼普天所瞻民稱太平四夷賓

伏妖惡自滅賢聖日生

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行爲物

範

六念損己布施道士及饑寒者天下人民各
得其所

七念蠕動跂行一切衆生成蒙成就
八念赦賞前生今世罪對立功補過
九念家門隆盛宗廟有人世生賢才

育七

十念尊受師經不敢中怠平等一心廣度一
切克獲飛仙白日登天拜見太上永成真
人雲車羽駕和與道合真

存神燒香

香官使者左右龍虎君侍香諸靈官當今臣

建齋之所自然生金液丹碧芝英百靈來真
交會在此香火爐前令臣學道得道求仙得
仙齋主受福幽顯沾恩十方仙童玉女侍衛
蘭煙傳臣向來所啓速達逕御太上皇帝御前
太上无極大道至真玉皇上帝御前

出堂頌

回靜默

謝師 回向

靈寶領教濟度金書卷之二百四十六

靈寶領教濟度金書卷之二百四十七

洞微高士開光救苦真人竊全真授

靈寶通玄弘教水南先生林靈真編

科儀立成品祈晴齋合用

午朝行道儀

育七

燒香頌

各禮師存念如法

宣衛靈呪

丹靈朱火炎霞激風赤輪剛運天光八衝
迸威包羅交變萬方流金豁落群魔滅蹤

辟奸破妖 明耀元功 金符召制 躡雲乘龍
謠訶慶會 散花太空 神化冥運 四極安隆
伏御帝前 罔有不從 和與道合 眞

鳴法鼓二十四通

无上三天 玄元始三 炁太上道君 召出臣身

中三五功曹 左右官使者 待香金童 傳言玉
女五帝 直符直日 香官各三十二人 出出者
嚴裝關啓 玄壇天帝 神君當召 此間土地 里
域眞官 正神急上 關啓臣今奉爲齋意 以今
臨午陞壇 行道願得 玉清道炁 靈寶妙光 下

降流入臣等身中令臣所啓速達逕御

太上无極大道至真玉皇上帝御前

謹稱法位

具位臣某與臨壇官衆等謹同誠上啓

太上無極大道虛无自然元始天尊太上大

道君太上老君昊天玉皇上帝高上神霄玉

清真王長生大帝高上神霄玉清真王青華

大帝九天應元雷聲普化天尊九天雷祖上

帝上清紫微碧玉宮太乙大天帝六天洞淵

大帝六波天主帝君可韓司丈人天尊九天

採訪使天尊雷霆九司諸天省府東華西靈
執職真衆洞天福地四海四瀆溪澗潭洞主
宰龍神社稷山川城隍里域三界官屬一切
真靈臣聞一炁孔神運靈光而立極萬形稟
命凝妙化以資生黃輿下奠於三千蒼蓋上
育七
羅於五億無宗無祖鑿七竅於混沌之先有
象有名彰三靈於洪濛之後包羅經緯囊括
陰陽皆統制於清微悉彌綸於紫極臣等醯
鷄微質鰈鮒凡資梨棗徒凋堪歎織烏之迅
桑榆漸薄自傷野馬之馳莫笑傲於山林尚

棲遲於塵棘兢兢補過切切立功緬惟下教
以憲天盍贊上乘而弘道凡有投告敢不關
聞午朝青詞謹當宣奏

宣詞

按如詞旨已罄由中臣聞三光全寒暑平六

合敷羅於帝貺五穀熟人民欲八紘御戴於
天成儻六氣莫調玉燭之和則八圓曷應金
穰之運顧茲卑壤弗敵高田雨未向宿則陸
地可舟滂苟連宵則平疇堪棹乃從春季積
至夏終苦潦浸淫恍隣邦而為壑濃陰黯淡

驚接境以爲淵莫明吠畝之分曷辨岸堤之
勢儻不籲天而禱祝何由指日以晴明爰建
星壇肆翻霞笈建霓旌於閣道垂羽葆於端
門龍箄歲蕤輅寶輦紫金之相鳳鏞香藹降
華京翠玉之尊扣首玄青敷心丹赤爲齋主

育七

十一

某開明晴霽收過雨陰俾服田以無憂庶省
斂而有慶以今臨午行道請法衆等運茲初
捻上香

願此香煙騰空逕上供養

无上至真道寶臣等皈身皈神皈命首體投

地願以是功德上祝

皇帝陛下伏願治協赫懷道參義皞垂衣漢
殿來萬國之梯航御履周疆膺八圓之玉帛
鴻福並隆於地大龜齡益固於天長出圖出
書耀景星於清漢同文同軌垂甘露於良宵

今故燒香自皈依

師尊大聖衆至真之德得道之後升入無形
和與道合真

以今臨午行道請法衆等運茲二捻上香

願此香煙騰空逕上供養

无上至真經寶_臣等皈身皈神皈命首體投
地願以是功德皈流四嶽九牧萬姓四民體
道好生宣仁贊化金魚玉帶享天祿於萬鍾
衮衣繡裳尊國威於九鼎田野之犁鋤雨潤
園林之畚鍤雲生六藝家傳謹繼承而克守
九流世業垂統緒以咸遵今故燒香自皈依
師尊大聖衆至真之德得道之後天日開明
和與道合真

以今臨午行道請法衆等運茲三捻上香
願此香煙騰空逕上供養

无上至真師寶臣等皈身皈神皈命首體投
地願以是功德歸流親民陽職佐政陰僚惠
洽千圻愛教百里家有鷄豚之樂治寬繭絲
野無鴻鷹之憂令嚴保障地利勿侵於部
分天災不撓於方隅帝有恩言軫黎元而風調
育七
雨順神無曠職矜兆庶而海晏河清今故燒
香自皈依

師尊大聖衆至真之德得道之後長享自然
和與道合真

禮方

懺方

臣等今故燒香皈身皈神皈命

東方無極太上靈寶天尊已得道大聖衆至
真諸君丈人九炁天君東鄉神仙諸靈官懺
悔齋主某等世世生生不修戒律穢賤五穀
輕慢二禾厭棄稻粱蹂踐黍稷恃藉溫飽不
念饑寒蓄養鷄豚輕重斗斛咨寒怨暑罵雨
呵風罔顧天威惟徇人欲千罪萬過未經懺
陳致使勅下水神降災肆虐陰霖積日晴霽
未逢溝澮皆盈禾稻有損相將秋斂難就豐
登今故燒香志心皈命伏願赦除已往錫惠

方來斷絕狂霾放開晴景雨陰收拾水脉歸
源須臾之間杲杲出日即俾田疇成熟五穀
豐登獲刈升場三農有慶得道之後願得康
寧和與道合真

命魔

音七

十三

步虛

三啓

三禮

重稱法位

具位臣某與臨壇官衆等謹同誠上啓

太上無極大道虛无自然元始天尊太上帝
道君太上老君昊天玉皇上帝高上神霄玉
清真王長生大帝高上神霄玉清真王青華
大帝九天應元雷聲普化天尊九天雷祖上
帝上清紫微碧玉宮太乙大天帝六天洞淵
大帝六波天主帝君可韓司丈人天尊九天
採訪使天尊雷霆九司諸天省府東華西靈
執職真衆洞天福地四海四瀆溪澗潭洞主
宰龍神社稷山川城隍里域三界官屬一切
真靈臣聞水旱以時下土後清微之澤豐歛

有數上帝垂黃混之恩故雨暘率自於土神
而荒熟豈由於地職雖云天定亦肇人爲齋
主其罹茲水傷未覩旱暵溪流洶湧雨聲漕
雜於風聲河渚汪洋電勢迅烈於雷勢岸多
澎湃禾盡瀰漫田畷攢眉曷登成之有望老
農蹙頰知收斂之無期難卜豐年終爲凶歲
深慮家聯巷陌室並里閭爰從無始以來循
至有身之後廉恥不守信義弗脩叱唾怨天
因醴酒而糜爛五穀囁嚅罪歲欲糟糠而賤
棄二禾或冒風雨而不避神威或觸雷霆而

周思帝令填塞溪澗斷絕泉源致過犯於刑
書而罪彰於憲籍土地主宰里社神祇各責
讞於天廷乃關聞於地禁遂成淫雨莫際晴
明白非祈福於上玄曷克流恩於下界是以
脩齋行道爲懺謝於前愆燒香誦經俾邀迎
於後貺伏冀列真呵護衆聖矜憐約束驕霖
返神龍於溪澗嘯命淫潦迴潛蛟於淵源庶
得呈現陽光驅除陰翳平疇頗綠無滋蔓之
難圖聯岸俱青有嘉禾之漸熟指日而場圃
可築逾時而倉廩皆盈歲事無憂農功有慶

嘉拜生成之造敢忘皈向之忱上願四炁和
平三靈翊贊禾生同穎麥秀兩岐野絕惰農
樂雲耕而宴喜市無遊手乘月釣以歡呼景
星多現於林端慧露朝濡於禾末鳳儀獸舞
咸趨允治之風魚躍鳶飛均輅時雍之化三
途罷對五苦停輪則上明

天尊大慈之化下副臣等皈命之誠謹啓以
聞

發願

一願大道淡泊虛无安閑空寂澄清自居廣

開法門教導頑夫皆蒙惠澤精苦自修預
以同學普得升虛與天相保長存無憂

二願諸天結氣澄清高虛廣覆保真固靈氣
候調節四運和平國安民豐普天閑寧廣
濟一切惠達有生保天長存億劫不傾

育七

十五

三願土地覆載無窮安平不陷海淪不崩保
鎮家國兆民興從養生安死惠周十方禾
稼滋植營運日豐咸得覆載萬類皆從

四願日月二景高明無有孛蝕虧盈安清光
照諸天洞消暗冥保固劫運世祚和平普

加潤澤惠灑衆生

五願星辰與天齊光轉燭照耀朗映十方各
安其位經緯直行保鎮家國無有災傷四
海寧一普願興昌

六願四時隨節推遷景氣和調無有災患疫

毒消滅普天安平五穀豐熟國富民歡

七願浮雲結炁聚煙飛空高澄蔭覆玄玄隱
則無爲散則彌天神仙同居結友衆真惠
流一切興國愛民普濟群生人同劫年
八願風雨徧灑無窮普加施泄受其發揚萬

物滋生國儲民豐

九願五嶽各安其方巍巍包藏長爲仙宮安
鎮國祚保天無終護度一切莫不仰宗
十願江海蕩蕩無極含容恢廓無細不植淵
奧柔惠潤加蠕息天人獲慶年同劫石

十一願帝王國主日昌四鎮安睦兵革不揚
天人謠唱吉應來翔敷教濟濟威化揚揚
兆庶稱慶長樂未央

十二願蝗飛蠢動已生未生成咸蒙安全普得
生成皆見元氣受陽之形草木果林經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當今臣
午朝建齋之所自然生金液丹碧芝英百靈
衆真交會在此香火爐前臣學道得道求

育七

十六

仙得仙齋官蒙福幽顯沾恩十方仙童玉女
接待香煙傳臣向來所啓速達逕御
太上無極大道至真玉皇上帝御前

出堂頌

靈寶領教濟度金書卷之二百四十七

靈寶領教濟度金書卷之二百四十八

洞微高士開光救苦真人竊念真授

靈寶通玄弘教水南先生林靈真編

科儀立成品祈晴齋用

晚朝行道儀

燒香頌

各禮師存念如法

宣衛靈呪

五星高耀 瑞炁飛浮 元始集神 天地交周

玉符寶節 嘯命微幽 擲火揚威 奸凶無留

萬魔振伏 紛葩却消 摧怪伐惡 道炁同流
神光照夜 陰翳俱收 萬仙降格 扇景乘風
群生咸遂 惠遍神州和與道合真

鳴法鼓二十四通

无上三天 玄元始三炁 太上道君 召出臣身

育七

十七

中三五功曹 左右官使者 侍香玉童 傳言玉
女五帝 直符直日 香官各三十二人 出出者
嚴裝關啓 玄壇天帝 神君當召 此間土地里
域真官 正神急上 關啓臣今奉為入齋意 以
今落景陞壇 行道願得 玉清道炁 靈寶妙光

下降流入臣等身中令臣所啓速達逕御
太上无極大道至真玉皇上帝御前

謹稱法位

具位臣某與臨壇官衆等謹同誠上啓

太上无極大道虛无自然元始天尊太上道

君太上老君昊天玉皇上帝高上神霄玉清

真王長生大帝高上神霄玉清真王青華大

帝九天應元雷聲普化天尊九天雷祖上帝

上清紫微碧玉宮太乙大天帝六天洞淵大

帝六波天主帝君可韓司丈人天尊九天採

訪使天尊雷霆九司諸天省府東華西靈執
職真衆洞天福地四海四瀆溪澗潭洞主宰
龍神社稷山川城隍里域三界官屬一切真
靈臣聞大道杳冥鑿帝江而莫測至真恍惚
遊聖海以無方希夷上聞於六虛微妙下該

於萬有風雨霜露潛旋潤澤之功草木山川
昭布發生之德成終成始拱後拱前凡委炁
以流形皆收功而稟命臣等卑卑磨蟻碌碌
坎蛙佩龍戒於心前堪嗟短景采鸞書於肘
後徒羨長年功未積於紅塵過已深於碧海

濟人利物敢忘受道之初忱贊化宣仁期秉
學真之終志凡有投告所盍關聞晚朝青詞
謹當敷奏

宣詞

按如詞旨諒垂淵聽臣聞國以農為重春耕

育七

十八

期享於豐年民以食為先秋斂觀登於樂歲
苟東作或際淫潦之苦則西成曷圓豐稔之
歡矐彼田疇每隣湖泊多岸高而畝下易被
損傷率畦低而塘深常罹淹浸乃自仲春之
候馴至季夏之時急雨疾風挾迅雷而連旬

不止驚波駭浪泛狂瀾而數月無休秧莫抽
芽禾難吐穎非賴三靈之協佑奚繇一飽之
安全爰潔茅庭聿嚴芝座降三華之寶輦來
十極之瓊輪旌葆蕝蕤旛花煥映一忱請命
百拜陳情為齋主某開拓晴光解除霖潦俾
耘耔之盡力庶刈穫之從心以今晚朝行道
請法衆等運茲初捻上香
願此香煙騰空逕上供養
无上至真道寶臣等皈身皈神皈命首體投
地願以是功德上祝

皇帝陛下伏願陰陽合德覆載同功治越虞
朝致獸舞鳳儀之瑞政過漢代開馬生龍見
之祥來王而四海會同入覲而八荒拱伏耕
者讓畔負黼屨而禮修道不捨遺盡衣冠而
刑措今故燒香自皈依

育七

十九

師尊大聖衆至真之德得道之後保天長存
和與道合真

以今晚朝行道請法衆等運茲二捻上香
願此香煙騰空逕上供養

无上至真經寶臣等皈身皈神皈命首體投

地願以是功德皈依流四嶽九牧萬姓四民伏
願王綱調理帝化贊襄煙閣圖形書元勳於
竹帛雲臺紀字耀成績於旂常熙熙而治洽
八埏皞皞而政敷九軌月堂負耒喜五穀之
告成雲岫驅車欣百工之貿易今故燒香自

皈依

師尊大聖衆至真之德得道之後長享自然
和與道合真

以今晚朝行道請法衆等運茲三捻上香
願此香煙騰空逕上供養

无上至真師寶_臣等皈身皈神皈命首體投
地願以是功德皈流親民陽掾佐政陰僚伏
願輸忠佐主守愛御民三異政成剖竹惠周
於里巷一同恩洽種花春滿於郊原稟正直
以憲天敷慈祥而制地山川領職普膺十賚
之華里社持權班萃九遷之寵今故燒香自
皈依

師尊大聖衆至真之德得道之後長享自然
和與道合真

禮方

懺方

步虛

三啓

三禮

重稱法位

具位臣某與臨壇官衆等謹同誠上啓

育七

二十

太上無極大道虛无自然元始天尊太上大
道君太上老君昊天玉皇上帝高上神霄玉
清真王長生大帝高上神霄玉清真王青華
大帝九天應元雷聲普化天尊九天雷祖大
帝上清紫微碧玉宮太乙大天帝六天洞淵

大帝六波天主帝君可韓司丈人天尊九天
採訪使天尊雷霆九司諸天省府東華西靈
執職真衆洞天福地四海四瀆溪澗潭洞主
宰龍神社稷山川城隍里域三界官屬一切
真靈臣聞常雨常暘雖自天災之降或豐或
歉率由民欲之招故上天每愛民而施仁而
下民惟嘑天而造業機械所繫影響則同今
齋主某矜此歲華莫逢晴霽凝眸暴雨注晴
簷而挾助狂風極目驚波壓岸谷而泛飄滾
浪陰陽昏翳天地悲號林亡棲鳥之巢澤矢

避獸之穴野農疾首縱襪禳以奚為村老痛心惟桔槔之曷用狂霖若此望歲何期深慮凡厥有生自從往劫弗脩人事罔念天威賤穀米以育鷄豚圖糟糠而造酒醋凶年厚積伺市價之有贏富歲必藏校村儲之多蓄斗

升寬狹丈尺低昂致罪籍之登名或刑編之紀字會合地主關告天廷遂成霖雨之災莫副晴明之願自匪開心而首謝奚繇如意以懇祈是以舒壇建齋俾懺除於徃各轉經行道為迎輅於新釐伏願十極呈祥九天錫慶

煥丹綸於空界收拾陰霾湛紫綉於天中開
明陽耀庶得曦輪煥景雲蓋停陰秀芄芃而
實離離相將秋斂黍與與而稷翼翼取次冬
藏蒙如監映之私允拜提携之造上願經法
流演洞輔宣行曦璘光明風雲藏靜動靜被
澤山川鬼神以攸寧飛潛承恩鳥獸魚鼈而
咸若朝多罔鳳野絕谷駒地湧醴泉秉萬年
枝而治定天垂甘露握千秋鏡以功成在在
陽回人人春到則上明

天尊大慈之化下副臣等皈命之誠謹啓以

聞

發願

一願大道流行普天懷德

二願一切有生咸皆悟道

三願九夜幽冥一時解脫

四願孤寡無依咸得受生

五願天下太平五穀豐熟

六願臣忠子孝君仁父慈

七願四海通同冤親和釋

八願潛胞處卵咸得生成

九願積疾新痾旋即痊愈

十願孤露衆生豐衣足食和與道合真

存神燒香

香官使者左右龍虎君侍香諸靈官當令臣
建壇之所自然生金液丹碧芝英百靈衆真

育七

二十二

交會在此香火爐前令臣學道得道求仙得
仙齋主受福穹昊開晴十方仙童玉女侍衛
香煙傳臣向來啓告速達逕御
太上无極大道至真玉皇上帝御前

出堂頌

謝師

靈寶領教濟度金書卷之二百四十八

終

